



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. I. Cui offerendus Libellus?

[urn:nbn:de:hbz:466:1-73001](#)

autem libellis, qui solent maximè in sacro auditorio prudentissimorum nostrorum procerum recitari, caveant tam litigatores, quām libellorum dictatores, verbosis uti assertionibus, & ea, quae jam perorata sunt, iterum refuscatare: sed hæc sola eis inscribere, que compendiosa narratione causas provocationis possunt explanare, vel aliquid novi continent; vel addere, quod derelictum est: scitur, quod si hoc fuerit prætermissum, non deerit aduersus libellorum conditores amplissimi judicii competens indignatio, quod sufficient gestorum volumina introducta, & virorum spectabilium magistrorum scribiorum breviter omnia aperiſſimè ostende-re.

Debet esse Scriptura clara, & perspicua, ut cognosci possit, quid determinatè petatur; per L. Prætor. 7. ff. de injuriis, ibi: qui agit injuriarum, certum dicat, quid injuria factum sit: quia si famosam actionem intendit, non debet vagari cum discrimine alienæ existimationis, sed designare, & certum specialiter dicere, quam se injuriam passam contendit; hinc non debet laborare equivocationibus, vel alii loquendi modis, quibus Actoris intentio minùs perspicua, vel ambigua redatur.

Debet esse scriptura ordinata, nimirum, ut primò contineat narrationem facti; secundò medium concludendi, sive justam causam petendi, elicitam ex narratione facti; 3. ipsam petitionem, quæ sit quasi conclusio libelli, ex assumpta causa debendi, seu petendi deducta.

Dicitur Scriptura continens intentionem Actoris; quia debet exprimere, quid petat ab eo, quem in Judicio convenire vult; & simul id ipsum demonstrans Judicii, & parti, nimirum allegatâ debendi, vel petendi causâ; his præmissis:

E. I.

Cui offerendus Libellus?

473. **R**esp. primò, ac principaliter offerendum Judicii; colligitur ex c. 1. b. t. ibi: synodo porrigeret; & ratio est; quia Judge in causis civilibus, de quibus agitur,

ubi portigitur libellus Conventionis, pronuntiare debet conformiter ad Libelli formam, & litem ordinare juxta Actoris intentionem, ut vel in favorem ejus, si petitio legitimè probata sit; vel contra illum, si deficiat, sententiam ferat; præterquam, quod à judge libelli copia detur parti, seu Adversario, ut exinde cognoscat citationis causam, & actionem, ut delibernet, an contendere, an liti cedere velit? &, si primum? ritè instruetus in judicium veniat; sic Abbas in c. 1. b. t. n. 7. & gloss. in L. 1. ff. de edendo, V. Ad agendum.

Si quæras, quid agendum Judici oblatione incepto libello? Resp. super hac quæstione constare ex c. Examinata. 15. de Judiciis. Cū enim Matthæus de Riparia, vir nobilis, controversiam haberet cum quibusdā militibus super jure patronatus cūjusdam Ecclesiæ; interim verò, hoc jus sequestratum esset apud vicedominum, seu Vicarium Episcopi Sabiniensis; Matthæus autem actionem in judicio instituisset contra milites, quā jus patronatus sibi vendicabat, atque restitui petebat, & tum in processu judicii testes produxisset, qui desponebant eo tempore, quo Vicarius Ecclesiam tanquam sequestratam accepit, Matthæum in possessione juris patronatus fuisse: cū fes ita se haberent, Innocentii Ill. respondit, intentionem illius, seu petitionem non subsistere; quia cū jus patronatus ipsem posseideret, nec rei vindicationem intentare, nec restitutionem sibi fieri poterat petere; igitur milites absolvit à petitione ejusdem Matthæi, ita tamen, ut si postea congruentem actionem instituerit contra milites, iij nihilominus respondere teneantur.

Ex hoc textu apparèt. 1. si intentio, & petitio Actoris inepta sit, Reum absolvit debere ab instantia hujus judicii, ut in præsenti casu factum est; jus tamen integrum manere illi, ut libellum aliter formet. Quæri autem potest. 1. quid Judici opus sit, si statim in principio, & ante litis contestationem libellus inceptus, seu mālē concludens appareat? 2. Quid, si primum in litis progressu? Ad 1. Resp. posse illum rejici; ut dicitur L. 1. ff. de Aſſess. non tamen Judicem teneri; sed valere illum Actori reddere, ut illum ex alia causa

causa former concludentem; & ita præxim habere, ex Andrea Gail. observ. 67. tradit Haunold. tom. 5. tr. 3. num. 146. secus illum admittere debet; nam in dubio pro intentione Actoris benignè præsumendum est, ut colligitur ex L. 66. ff. de Judiciis, ibi: *Si quis intentione ambigua, vel oratione usus sit: quod utilius ei est, accipiendum est.*

476. Ad. 2. Resp. tali casu litis instantiam esse dissolvendam, prout contigit Matthæo, de quo in dicto c. Examinata; cùm enim, ut quis agat rei vindicatione, requiratur, ut Actor rem, quam vindicare intendit, non possideat, sed alius, qui vel actu possideat, vel saltē dolo possidere desierat, ineptè petebat Matthæus vindicare jus Patronatus; cùm per articulos probatorios, seu probandos ab Actor fuerit unus, qui continebat, *Matthæum fuisse in possessione, Patronatum illius Ecclesie, quem vindicare cupiebat;* & hoc ipsum Actor per testes probaturum sese obtulerit. In eodem igitur Libello continebantur opposita. 1. quod Patronatum non possideret, cùm eum primum vendicare intenderit; 2. quod eundem possideret; nam hoc per testes comprobare quærebat; quæ sunt repugnantia.

Q. II.

An valeat sententia, quam dedit Judex super libello inepto?

477. **C**Asus præsens habetur in c. *dilecti filii.* 3. de Empt. & vendit. Cùm enim Canonici Beluacenses contra Abbatem Carilocí quererentur, quod à quibusdam eorum Capitulo in communi nec sciente, nec consentiente Sylvam quiandam emissent pro decem libris, quæ valebat 40. Marcus, eamquè causatum Pontifex Morinensi Episcopo, & Decano Remensi commisisset, & Episcopo impedito Décanus procedens per testes deprehendisset, Sylvam minus dimidiā justi pretii parte compataram fuisse; Canonicis Beluacensibus illam adjudicavit, eosquè in possessionem induxit. Sed Pontifex te ad se rufus delatā, quia in arbitrio emptotis est in hoc casu, si velit supplere justum pretium, aut venditionem rescindere, De-

cani sententiam, tanquam juri contrariam irritando, possessionem Monachis jūdicat esse reddendam, salvâ Canonicis contra Monachos manente quæstione super deceptione pretii, vel consensu Capituli non habito, & quavis aliâ rationabili causâ. Si enim attendamus causam, ex qua Pontifex sententiam illius Delegati, tanquam juri contrariam, consequenter nullam declaraverit, est, quod, prolata sit super libello inepto, eo quod petitio ex illa gravi læsione determinate continebat nullitatem emptionis; cùm continere debuisset vel declarationem nullitatis, vel supplementum pretii; nam dicta læsio, tanquam legitima causa petendi, non inferebat determinatè illam partem; sed vel hanc, vel illam, ut constat ex ipso textu.

Et ratio est, quia, cùm Judex debeat pronuntiare conformiter ad petitionem in libello non utcunque, sed ex causa debendi, expressâ in eo tanquam illativâ debiti, male pronuntiat, deberi hoc determinatè; quando causa debendi non infert hoc determinatè; sic enim potest stare veritas causæ, & falsitas illati. Male enim arguit Actor: tu me in hoc contractu emptionis læsisti ultra dimidium; ergo contractus est nullus, vel, debet declarari nullus; potest enim antecedens esse verum, & consequentia falsa; quia antecedens non connectitur determinatè cum nullitate contractus; sed vel cum hac, vel cum supplemento pretii; ergo si Judex pronuntiet determinatè super illa conclusione Libelli, pronuntiat super falso, non minus quam Actor concludat super falso; ergo pronuntiat nulliter.

Ex hoc c. deducitur præterea, si Venditor tei deceptus est ultra dimidium justi pretii, posse illum agere, vel ad supplementum justi pretii, vel ad restitutionem rei; et se tamen in arbitrio Emptoris, vel rescindere contractum, vel supplere pretium; quæ electio Venditori non competit; ut constat ex dicto c. *dilecti filii;* consequenter, Actor, qui ex causa talis deceptionis agit, in libello conventionis, ne ineptus sit, deberet petere alternativè, vel rescissionem contractus, atque adeo restitutionem rei, vel justi pretii supplementum; sic P. Ferd. Rebellus de oblig. Justitiae, p. 2. l. 9. q. 2. Sæc. 3. Joan. de Salas de Contract. tr. 1. de Empt. d. 27. & alii.

ARTI-